



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 12/03, 34/03 i 65/13), a u vezi sa članom 25. i 34. Uredbe sa zakonskom snagom o ustanovama ("Službeni list Republike Bosne i Hercegovine", broj 6/92, 8/93 i 13/94) i Odlukom o utvrđivanju standarda i kriterija Općine Ilidža za imenovanje/nominovanje na upražnjene pozicije u reguliranim tjelima Općine Ilidža („Službene novine Kantona Sarajevo” broj 40/21 i 44/21) Općinski načelnik raspisuje

JAVNI OGLAS

za nominovanje/imenovanje kandidata na pozicije predsjednika i članova Upravnog odbora Javne ustanove „Kulturno-sportski i rekreacioni centar” Ilidža

Oglašavaju se upražnjene pozicije u Javnoj ustanovi "Kulturno-sportski i rekreacioni centar" Ilidža:

1. Upravni odbor

1. Predsjednik Upravnog odbora izvršilaca 1
2. Član Upravnog odbora izvršilaca 4
(jedan član Upravnog odbora imenuje se iz reda zaposlenika Javne ustanove)

Opis pozicije:

1.1. Predsjednik Upravnog odbora zakazuje i rukovodi sjednicama upravnog odbora, stara se o pripremi materijala za sjednice i izvršenja akata upravnog odbora i obaveza prema Općini Ilidža. Predsjednik upravnog odbora obavlja i druge poslove utvrđene aktima javne ustanove.

1.2. Predsjednik i članovi Upravnog odbora javne ustanove nadziru rad i poslovanje uprave/direktora ustanove, raspolažu imovinom i kapitalom ustanove, utvrđuju politiku razvoja, razmatraju i usvajaju izvještaj o radu i poslovanju, predlažu raspodjelu dobiti, odnosno način pokrića gubitaka, te obavljaju druge poslove u skladu sa zakonom, statutom i općim aktima javne ustanove.

Mandat predsjednika i članova upravnog odbora je 4 godine uz mogućnost ponovnog imenovanja u skladu sa zakonom.

Kandidat za nominovanje/imenovanje mora ispunjavati slijedeće opće uslove:

- a) da je državljanin Bosne i Hercegovine;
- b) da je stariji od 18 godina;
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 (tri) godine prije dana objavljivanja upražnjene pozicije;
- d) da se na njega ne odnosi član IX. 1. Ustava Bosne i Hercegovine;
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13);
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj:70/08);
- g) da nema privatni i/ili finansijski interes u instituciji u kojoj se kandiduje;
- h) da nije osuđivan za krivično djelo nespojivo sa imenovanjem na dužnost u instituciju u koju se kandiduje, pet godina od pravosnažnosti, isključujući vrijeme zatvorske kazne;
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Pored navedenih općih uslova kandidat koji se prijavljuje na javni oglas mora ispunjavati i slijedeće posebne uslove:

- a) da ima visoku stručnu spremu VSS-VII stepen, a izuzetno višu školsku spremu-VI stepen odnosno srednju stručnu spremu-IV stepen za članove upravnih i nadzornih odbora iz reda stručnih radnika zaposlenih u javnoj ustanovi;
- b) da ima najmanje 3 (tri) godine radnog iskustva nakon sticanja tražene stručne spreme iz tačke a) ovog člana;
- c) da nije član više od jednog nadzornog ili upravnog, odbora za reviziju nekog privrednog društva ili institucije;
- d) komunikacijske i organizatorske sposobnosti;
- e) poznavanje propisa iz nadležnost javne ustanove.

Prilikom procjene posebnih uvjeta, kriteriji navedeni pod tačkama d) i e) izrazit će se bodovno od 1 do 5.

Potrebna dokumentacija

Kandidat je dužan uz prijavu na javni oglas koja sadrži kraću biografiju, adresu i kontakt telefon priložiti originalne dokumente ili ovjerene kopije dokumenata koji su dokaz o ispunjavanju općih i posebnih uslova:

- uvjerenje o državljanstvu;
- diplomu o završenoj školskoj spreml;
- potvrdu o radnom iskustvu u struci (potpisana i ovjerena od strane poslodavca);
- uvjerenje nadležnog suda da se protiv kandidata ne vodi krivični postupak
- potpisanu i ovjerenu izjavu od strane nadležne općinske službe kojom kandidat potvrđuje da ispunjava opće uslove (tačke c, d, e, f, g, h, i) i posebne uslove (tačka c)

(**obrazac prijave i obrazac izjave** mogu se preuzeti u zgradi Općine Ilidža-Centar za pružanje usluga građanima i na web stranicu na linku ispod teksta oglasa).

Kompletiranu dokumentaciju treba dostaviti u zatvorenoj koverti, lično ili poštom preporučeno na adresu: Općina Ilidža – Komisija za izbor, Butmirska cesta 12 , 71210 Ilidža (uz naznaku: prijava na javni oglas-Upravni odbor JU„KSiRC” Ilidža - NE OTVARAJ).

Nepotpune i neblagovremene prijave neće se uzeti u razmatranje.

Podnosioci prijave sa kojima se ne stupi u kontakt u roku od **15 dana** od dana isteka roka za podnošenje prijave neće biti uzeti u razmatranje u daljem procesu imenovanja.

Kandidati koji budu stavljeni na listu sa užim izborom bit će pozvani na intervju.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog konačnog imenovanja.

Konačno imenovana lica ostvaruju naknadu za rad u skladu sa odlukom općinskog načelnika.

Javni oglas će biti objavljen u „Službenim novinama Federacije Bosne i Hercegovine”, listu „Dnevni avaz” u formi obavještenja i na web stranici Općine Ilidža, a biće otvoren **14 dana** od dana posljednjeg objavljivanja.

Broj: 07-04-7111/24
Ilidža, 23.09.2024. godine

OPĆINSKI NAČELNIK

Nermin Muzur, magistar uprave